



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 173. De traditis bonis in villis Ameleveshus atque Amaleshus in pagis
Suilbergi et Tilithi.

urn:nbn:de:hbz:466:1-36114

Ab anno tradidit uiguit in *bardonbus* (d) quidquid ibi habuit hoc tamen pacto ut
826 vsque ipsa quam diu uixerit illud possideat testes runheri beuo haold.
853 im-
perante
Hludo-
uico et

§. 172.

Tradidit tetta in *uuergesi* (e) ex parte aquilonali et orientali X iur-
nales testes sunt

§. 173.

Tradidit tietgerus quidquid habuit in *ameleuesbus* (f) pro anima tiet-
geri et tuide prope enim mansum habet testes hildulf tiedric godefman et
alii X.

tradidit marchold pro se et fratre suo asi quidquid in farto hoc est in *ama-
lesbus* (g) ad illos pertinebat litum scilicet cum familia unum et quidquid
in

fer supra §. 167. not. (Q) Locus vocatur nunc Dassenfen, conspicuus in prae-
fectura Rotenkirchen.

(d) *Bardonbus* villa reperiebatur olim eodem in pago *Suilbergi*. Designari intelli-
gimus per eam vicum *Barshusen* seu Barshufen in Wolferbutteleitfif Principa-
tus praefectura Grene haud procul a vico Wentzen situm. Locus vnus
milliaris interuallo distat ab oppido Einbeck, quod oppidorum Principatus
Grubenhagici principatum tenet.

De villa
Bardon-
hus.

(e) *Wergesi* villa in pago existit *Auga*, teste Registro nostro. Indicatur sine vi-
lo dubio vicus *Wirjesen* ad *Wiseram*, vnum milliare et dimidium a nostra
Corbeia distans. Habent in *Wirjesen* domicilium equestre nobiles domini de
Wreden. Disiungit *Virurgis* *Wergesi* villam ab *Heristallo Saxonico*, loco, in
Annalibus Rerum Francorum celebratissimo. Hic enim anno 798. Carolus M.
cum exercitu hiemauit. Huc ipse Pipinum de Italica et Hludouicum de Hispanica
expeditione regressos ad se venire iussit. Hic legatos Hunnorum, cum
magnis muneribus ad se missos, audiuit atque dimisit. Hic *Adelphonfi* regis
Asturicae et *Galeciae* legatum, ipsi dona adferentem, suscepit. Hic totum
hyemis tempus ad redigendam in ordinem Saxoniam impendit. Hic natalem
domini et pascha celebrauit. Hinc collecto exercitu ad locum, qui *Minda* di-
citur, mouit, et contra desertores fidei, inter *Albim* et *Wiseram* incolentes,
peragrauit totamque obiuit Saxoniam. Retulerunt ita *Regino*, *Adelmus*, *Poe-
ta Saxo*, *Eginhartus* in *Vita Caroli Magni* aliique.

De villa
Wergesi.

(f) Villa *Ameluesbus* seu, vti in nostro Registro locus scribitur, *Amaleuesbus*
erat in pago *Suilbergi* sita. Eum pagum supra §. 167. not. (Q) collo-
cauimus maxima ex parte in comitatu *Dasseliensi*, atque designari intellexi-
mus l.c. per hanc villam vicum *Amelsen* in praefectura *Hundesruock* in epi-
scopatu *Hildesensi*, vno milliari distantem ab vrbe *Einbecka*, loco Principa-
tus *Grubenhagici*. Infra in his traditionibus eadem villa aliquoties recurrit.
Bona autem in eodem vico *Amelsen* ab abbatibus *Corbeiensibus* in feudum da-
ta sunt quibusdam ciuibus *Einbeccensibus*, quos patricos vocant, a quibus et
ea vsque in hodiernum diem feudali iure possidentur.

De villa
Amel-
uesbus.

(g) *Amalesbus* villa distinguitur ab *Amaleuesbus*. Quemadmodum enim haec in *Suil-
bergi*, ita illa in *Tilitibi* pago reperitur, teste Registro nostro sapissime excitato.
Pagus *Tilitibi* erat ad *Wiseram* in praefecturis *Gronde*, *Osen*, *Artzen*, *Ottenstein*
et circa urbem *Hameloa* positus, vti iam supra ostendimus. Intelligimus ergo
designari per *Amalesbus* vicum *Amelgosen* ad fluuium *Embrinam* (dic *Emmer*)
inter *Gronde* et *Hemelschenburgum*, vno milliari ab oppido *Hameloa* situm.
Olim locus spectauit ad dynastiam *Artelsen*, vti olim appellabatur, seu *Artzen*,
quam

De villa
Amales-
bus.

in eodem loco in culta et inculta terra possidere uidebantur testes uolcri d'oberbert uuulfger.

gubernante
Corbeiam
Warino.

§. 174.

Tradidit *beuo comes* (h) hoc quod concambiauuit (i) in *bechina* (k) a fratribus hereditatem uidelicet heluconif simulque totum quod habuit in loco qui dicitur *ultra baghon* ea conditione ut ipse ac mater uxorque his rebus in uita sua fruerentur testes thiadger eyfulf adalold dendi cado uualdo et alii XII.

§. 175.

quam comprehendisse praefecturas Gronde Ofen atque Artzen, docemus in *Clientela Corbeiensi*. *Marcholdum* ergo eiusque fratrem *Asi* ad progenitores dynastarum seu comitum de Artelsen spectasse, collegimus inde. Suspiciamus, illum *Marcholdum* haud differre a *Marchodone*, supra (§. 106.) memorato, quem, quantum ex nomine eius ac bonis colligimus, e progenitoribus *Widekindi* ac *Brunonis* ducum descendisse ibi asseruimus. An eruditi sententiae nostrae calculos suos adiecturi sint, ignoramus.

- (h) *Beuo comes* frater fuit abbatis nostri *Warini*, et eam quoque ob causam frater *Cobbonis* comitis ac *Luidolfi*, Saxoniae ducis. Testantur id nostra documenta diplomatica Corbeiensia, in quibus *Bouo*, tertius huius nominis, abbas Corbeiensis, qui ecclesiae Corbeiensi ab anno 942. usque 948. praefuit, *Warini abbatis Corbeiensis nepos ex fratre* nominatur; quae appellatio facit ad explicandum locum insignem, in *Widekindi* nostri Annalibus Lib. III. p. 651. obuium. Qui locus quoniam in nostro MScto aliter sonat, ideo uerba ipsa adscribemus, hunc in modum conformata: *Hic (Bouo abbas Corbeiensis) erat uir sapiens ac clarus, a Deo nobis ostensus, sed non concessus. Huius pater Bouo graecas litteras coram chunrado rege legendo factus est clarus. Et huic (abbati) eiusdem nominis auus erat, ut natu maior, sic omni uirtute ac sapientia potior; sed et ipse nepos erat Warini, qui ex milite factus est monachus et primus omnium apud nouam Corbeiam regulariter electus in patrem.* Quibus ex uerbis nonnihil docemur, 1) abbatis *Bouonis* patrem fuisse *Bouonem*, eundemque uixisse tempore regis *Conradi I.* et nouisse litteras graecas, earundemque litterarum in aula imperiali interpretem egisse: 2) eiusdem abbatis *Bouonis* auum appellatum esse *Beuonem* seu *Bouonem*, quod unum idemque nomen est, ut nemo negare poterit, facileque, si necessum foret, demonstratu esset: 3) *Bouonem* abbatem fuisse nepotem abbatis *Warini*, et quidem non in sensu latiori, sed proprio, ut *Annales Corbeienses* MScti ex archiuo Corbeiensi referunt: 4) *Beuonem* seniores, scilicet auum abbatis *Bouonis*, natu maiorem suos inter fratres fuisse, quod et iam supra §. 86. ex hisce traditionibus collegeramus: 5) *Beuonem* comitem, auum abbatis *Bouonis*, fuisse fratrem *Warini, Cobbonis* ac *Luidolfi*, nec non filium *Ecberti* ducis atque *Idae* sanctissimae; et denique 6) *Bouonem* abbatem consanguineum *Heinrici* aucupis atque *Otonis M.* rectissime appellari, quia illis tertio quartae cognationis gradu coniunctus erat, uti uidere poteris ex noua tabula genealogica stemmatis *Ecbertini*, quam supra §. 104. exhibuimus.

- (i) Verbum hoc, apud scriptores medii aevi atque in tabulis publicis uisitatissimum, De uerbo Con- significat, *bonorum permutationem instituere, durch Tausch etwas an sich bringen.* Sequitur autem ex eo, *Beuonem* bona tradita neque a patre *Ecberto* neque ab *Ida* matre accepisse. Quam uisitam usque ad haec tempora uixisse et filio *Warino* superstitem fuisse, ex hoc §. rectissime colligitur.

- (k) *Bechina* uilla collocatur in pago *Guddingo* a Registri nostri auctore, qui abbas De uillis Saracho uidetur fuisse. Pagum *Guddingo* ea in dynastiae *Homburgicae* parte, *Bechina* quae et *Ultraghon.*